



Inier mercuri ai 16 de aurì el gnü recuperè la partida dl campionat de 3ª categoria cuntra la squadra da Sexten, che foss gnüda sugada ai 23 de merz, mo gnüda spustada a gauja dla nêi. Do le derby a Rina, daulache la squadra da La Val à pordü por 1 a 0, davagnera te cíasa cun 3 goi cuntra na squadra jona che à fat na bela parüda. L'unica partida adüm al derby che La Val à pordü te ch
ë
sta sajun é propi stada cuntra la squadra da Sexten.

La partida mêt dales 20:00 y atira é la squadra aversara che lascia udêi n bel jüch y costruësc de beles aziuns. La gran presciun mêt in dificulté la squadra da La Val, che mëss plö iadi sciüré demez le pal. Ti pröms 20 menüc dla partida mëss la squadra de cíasa plö subì co costruì, dandadüt sön i angoli, daulache plö iadi é i sogadus dl Sexten che abina denant le pal de cé. Le portier Lukas é tres conzentrè y abina scialdi dütes les trates sön porta. Le ritmo dla squadra aversara vëgn tosc architè sò, plö avisa cun n episode, Emanuel D. abina n bel pal de cé sön n cross de Micky y bat insciö le portier, La Val é in vantaje por 1 a 0. I sogadûs da La Val ciafa insciö plö coraje y süga cun bunes combinaziuns, mo le ultim pasaje é prësc trës massa cürt o i atacanc é scialdi plö inant co la defenjiun, le arbiter sciüra n grüm de forajüch.

Le pröm tēmp se rüva sön le resultat de 1 a 0 por La Val.

Le secundo tēmp é plö interessant, sides da üna na pert che dal'atra. La Val mēss chirì le secundo gol por mēt al sigü la devēta, mo sciöche la secunda pêrt dla partida mēt man, pêle che chēsc sides n pü plü rî. Le Sexten fej indô druch y ti sciampa incé plö iadi ala defenjiun da La Val. A impostè indô le jüch al urü ester na gran reaziun dla squadra de Floriani, sön n bel assist da pêrt de Alex Elzenbaumber, rüva Micky bel sù dan le portier y é bun de apogè le pal te porta. Al ne passa nia tröp che le atacant dl Sexten porta süa squadra al gol. Sön na bela aziun da na pêrt jö é l'atacant che ti sciampa al defensur da La Val y cun na bela trata rōia le pal naota sön la stangia de porta y spo tla rēi. Por rimedié ala diatenziun é la squadra che se alza, sugan plötosc sön la pêrt de Alex E., le medemo à ince na ocasiun cun na bela trata sön le ciantun de area, che rüva de püch dlungia porta ia. Ince Freddy é ruvé tl secundo tēmp te ciamp, do le infortunio dla preparaziun, che l'a fat stè fora por deplö edmes.

Lukas fej ince ciamò 2 mirachi, daimprüma cun na bela reaziun sön na puniziun deviada dal defensur da La Val y dedò él ciamò bun de trà fora cun i pügns n pal che ti é sciampè naota al defensur y dedò al portier instēs. A sighlé la devēta cun le gol dl 3 a 1 é spo indô Micky cun na bela trata de secunda sön na puniziun al limit dl'area che pēnsa. Le pal rōia dlungia le palo ite y le portier ne à nia poscibilitè da le parè.

Sön n'aziun da pêrt dl Sexten é Marco Castlunger che prô de curì le pal y ti rüva insciö adôs al avversar che rōia cuntra la panchina, le arbiter ne pēnsa nia 2 iadi a mustrè la chërta cōcena. La squadra rōia la partida in 10 sēnza subì atri goi.

La partida se rōia sōn le 3 a 1 por La Val. Na vitoria de gran importanza por la squadra, dandadūt por se destachè dales atres squadre y ti stè dô ala squadra da Rina, al mumënt al prēm post dla tlassifica.



In sabeda ai 19 de aurì dales 16:00 éi la squadra da Raas che se prejēnta sōn le ciamp da La Val por disputé la 5ª partida de campionat.

Formaziun titolara: Lukas Eder, Egon Frenes, Alex Alton, Paolo Vallazza, Marco Castlunger, Alex Elzenbaumer, Stefan Sottara, Max Nagler, Micky Frenes, Romeo Rubatscher y Emanuel Dorigo.

Alenadù: Floriani Claudio

Sostituziuns:

Freddy Sottara por Max Nagler (70[^] menüt)

Marco Rossini por Micky Frenes (80[^] menüt)

Adrian Miribung por Romeo Rubatscher (85[^] menüt)

Felix Nagler por Alex Elzenbaumer (85[^] menüt)

Por odèi i resultac dles atres partidas drüca [RESULTAC](#)